

www.BibleForChildren.org


Genesis 3



Jiyacaritij, pueyanoori naa
jiyaniquirii necotej, "Eva,"
puetunu mijiria quijiaca pueya
supuetanarano na quiniuucua.



Puetunu Pueyaso shipinijosano
casamijinijiniojuanaani, susanacuuri
socua jiyano hua niishijia quijia.




Naacuatej susanacuuri naa
nequesotaquiaari maajitij: —¿Taa
Pueyaso moserucuaa niaacuaraarini,
mosaatia na sequenura niajaniya?
¿Taatenij, majaari niya puetunu
nujuatujua naana jajaujiniji
nia mianu
quenaaja?



Maajiiri naa na
riucuaareequij: —Maja.

Canaa naatacuaja
puetunu niya nujuatujua
naana jajaujiniji mianu. Saaja noo naanajiniji
cutara, cuhuariquia jiuujiajinia nujuataatej,
Pueyasoori cuno canaa sequerucuaa
cutara maja canaa
mianuranoj, maja
quenaaja canaa
cooniuriajuhuaj.




Canaa jaara na
miarenoj, canaanaari
cusunuunutaniyani.

Susanacuuri jiyacari
saaja naa sequeree maajitij:


—Nia sapojiyanojuhuanajaj.

Maja nia cusonu
quiniutianiya.




Pueyasocujaari
niishiya, niaa jaara
cuno naana jajau
miare, niaari jiyacari
niishiniutianiya casaate
maniniani, casaate sesani.

Niaa jaara naa
niishijia quiritij,
niaari juhua
Pueyasojua
quiniutianiya.



Jiyacaritij, maajiiri naana jajaucua
mauree. Naana jajaure jaarajaaja
shanohua maniniuriquia quiriquiaa
nera. Miasaatiatij. Na paniniuuri
noojia jiyacatojoquee jiyanohua na
mianu paniniuria
niishijia na
quiniuria. Jiyacari
cuno naana jajau
cataree socuaari;
na miareeri.



Na nuhuaji neyaca na
niquitioreejaariuhuaaj. Neyacaari na
miareejuhuaaj. Jiyacaritij, nojori
namijaari juhua shusha riatequequee.
Shusha niishitiuquiijaariuhuaaj
nojoriiri juhuasunucua quiriquiaa.

Jiyacari ritia
cusupuenuuree
higuera jaamasuuri
cunota nojori
mishiquionura
tama
nojori

catucumarajaaja.





Pueyaso

shaacasacari pueyano, naa na rupaa


paaretareeri: —¿Teetequia? Pueyanoori naa Pueyaso

riucuaareequij: —Nio cuhuariquiajinia rucuaneyiano

cua tojishacari quiajaniya, janiyari quia

caririquiriquiaani juhuasu cua quiniuucua.







Janiyari cunora
quiocujaji jamaariini.

Pueyasoori jiyacari naa pueyano nequesotareequij:
—¿Canteeri naa quia toreeniquitij quia niishiniuria
quiaari juhuasu? ¿Quiaateeri noo naana jajau
miareequij, cua sequesano maja quia mianuratej?




Pueyanoori naa riucuarere Pueyasotej: —Maajicuaajani,
quia niqutiosano cua cojiriquianotej, nojuajaari
cua niqutioree cuno naana jajau. Janiyari
na miareeni. Jiyacaritij, Pueyasoori maaji
nequesotaree: —¿Casaara naa quia
miiriicueanij? Maajiiri Pueyaso
riucuarere: —Susanacucuaaja cua
sapororeeno. Janiyari cunora
miaree cuno
naana
jajauni.




Naacuatej Camarnu Pueyasoori
pueyano tohuatequiaari Edeen
cuhuariquiajiniji. Tamaqui
nojori niojoquiaariiri tii na
miasanoocuaji nojori
cuhurojonura tamajaaja.






Pueyanoori naa jiya
poonijiojuara quiquiaaritij,
teyanojiniji na
shipinishaaquiaaricujani.






Pueyaso tohuatenu nuhuaji pueyano
Edeen cuhuariquiajiniji, nojuajaari
nesuraca na seya nujuatejoree
cuhuariquiajinia tiuquijia
nuujiniji pananu
muetasamajiiri.






Nishitiuniiquia nijiniaquetucujaja
mueruu jaasurujuteriquiaa tiijiuhuaj.
Pueyasoori naa cojuatequiaari na
cuhuariquiatej, maja
pueyaracaanu
rishitijia naana
jajaujiniji
catasaanura.




Pa supuetana Adaanri neco Eva canuquiaari.
Neconiyojuaari manajeree. Evaari na jiyapueranu
raquiaari. Na jiyaniquiriiri Caiin. Evaari sequequiaari:
"Cayaniyويا rareenijia. Pueyasoori
cua niquitioreenoj."




Na nuhuaji raquiaari neyanu Abelri, Caiin tarajanutuhuj. Mashiquiori nojori quishacari, Abelri borreecohua seeto quijia. Tarajanu Caiin saniniuujia, nojuajaari miasanoocujaji cuhuarajojua quijia.



Na nuhuaji tamacari, Caiinri na nataacuacajinijinio
jiyataquiaari, Pueyasora na catijasocoriquiano.
Abel naajaajuhuaaj, nojuajaari na
jiyapuerapue na seyajinijinio
quiooquiaari. Borreecohua maniniu
quiquiaariiri cuno na seya, Pueyasora
na catijasocoriquianoni.



Naa Abel miiniuucuatej, Pueyasoori na timitiaree,
nera na catijasocoriquiano seya timitiareejaarihuaj.
Maja cutaraari na timitianu quirii Caiin,
nera na catijasocoriquiano na
nataacuacanio. Caiinri naacua juarii
jiyanohuatej. Najiquia
niquiriquiaari.



Tamonu juuca, Caiinri tarajanu Abel masuuquiaari
nata na rucuanenonura. Tari nojori quishacari tamama
nojori tiajiniji, Caiinri tarajanu Abel
quiaree, na moreeri.




Na nuhuaji Pueyasoori Caiin nequesotaree: —¿Teetej quia tarajanu Abelni? Caiinri Pueyaso riucuarere: —Johuaj, maja cua niishiniu. ¿Cua tarajanuteeri naatujua cua cojuasocoriquianoniqui? Caiinri Pueyasota na pocoojosaquiji quiaquee. Nod jiyanishano jiyajinia quishiiri. Cunoori Edeen cuhuariquiajiniji pananu muetasamajiria.




Adaanri necocua pacutequiaariuhua canunu. Evaari
caya raquiaari. Na jiyaniquiriiri Set. Evaari sequeree:
—Pueyaso cua pacuteterohua cayaniyojuani,
quiyanu Abel niti, tarajanu Caiin mosanotej.




Pueyasoori mijiria quijiaca sacuaraatia
nojori miiijosano niquiquiaari. Pueyari
saaja sesa miiniuucua quijia.
Nojoriiri saaja sesa miiniu
niishiriojonuujua
pueyaracaanu.



"Puetunu nio jiyajinia quijiaca cua shipinishano
pueyajanaa shaajanutaniyanijia, puetunu
pueya seesano casaajanaa, puetunu
roshiyocuatujua casaajuhuaaj,
puetunu jaacuatujuaca
casaajanaanio."



"Jiyanohua taraajeyanijia puetunu nio
casaajanaa cua shipininiucua
najuhanaj."




Saniniuujia, Pueyasoori Noee maniniucuaquiaari
maninia miihia na quiniuucua. Noeeri
jiuujianaraca niquiohwaraca quijia.
Nioori nojori sesaca: Sem,
Cam, Jafetnio.



'Jiyanohua cua Que Pueyaso
paniniuucua puetunu mijiria quiniaa
pueyajanaa, nojuajaari
Neyanujuanaa jiyaroquiaari
puetunu pueyapueecuarajanaa
mosocoriquiano.



2




60



Puetunu cucua tiuunias pueyajanaari
saniitioyaquishaanutaniya cutara.
Nojori cutaraari pueyaracaanu
rishijiaca quiniutianiya
Pueyaso shuriucua.



2



60



Romanos 3:23 Puetunu pueyajanaari sesa
miijiaca; Judiocuaca, taucuacanio. Naacuajitij,
nojoriiri juhua tucuacaanu quiya Pueyasojiniji.
Sesa miijiaca pueya quiniuucua, nojoriiri soosano
pueyara jataquiaari. Naacuajitij, pueyari
Pueyaso timitiasoo quiquiaari.

Romanos 6:23 Saniniuujia, sesoriquia pueya
miiniuucua sesa saaja, nojoriiri naa na miiniuucua
shaajasaanutaniya. Saniniuujia, saaja
Jesucristoocua tiuujia pa quishacari,
Pueyasoori saa cunoraja pa jiyatequiaa
pueyaracaanu rishijiaca pa quiniuria, pa
Jiyaniiija Jesucristo rupuejaca pa quishacari.



Hebreos 9:27 Naatej, taatucuaa pueyani,
nojoriiri shaajecoriquiano. Majaari nojori
samiitiaconuhua mijiria nojori quiniuhuara, socua
na cusonuhuara juhua coteenu na cusonu. Nojori
shaajenu nuhuaji, nojoriiri saaja sashiya Pueyaso
nequesoreenura nojori.

Efesios 2:8,9 Naa Pueyaso quiniuucua
jiyanootitej, nojuajaari nia jiyanooquiaari saaja
Jesuucua nia tiushacari. Majaari tama nia
miishanotajaaja Pueyaso nia jiyanootiniu
quiquiaari tama niajanijajaaja.
Pueyasojuanaacuajaari nia jiyanooquiaari niaacua
na taraajenuucua. Naajuhuj, nojuacuajaari
nia tiutiquiaari Neyanuucua.



Majaari Pueyaso jiyanooniu quiquiaari pajaniya,
maninia miijiaca pa quiniuucua. Paa jaara maninia
pa miiniuucua Pueyaso jiyanootiquiaari tama pa
cuaqueyajaajani, paa maara tama pa
cuaqueyajaaja timitiarenini juhua
najuhuana pocuaja.

Romanos 10:9,10 Naacuajitij, Pueyasoori pueya
jiyatequiaa na pueya nojori quiniuria,
Jesucristoocua tiuujia jaara pueya niquiara
pohuatate: "Jesucristoori seetanujuanaa
Jiyaniijaajanaa cutara", noojiajinia na
niishishacarijuhuaj Pueyasoori Jesu
samiitianiquiaariuhua macujiniji.



Seetanujuanaa naari: poojiata pa tiuushacari
Neyanuucua, Pueyasoori pa jiyateya juhua sesa
miyashijia pa quiniuria. Naajuhuaaj, pa rupaata pa
pohuatasacari: "Janiya Jesucristoocua tiuujiani",
jiyacaritij, Pueyasoori pa jataniquiaa na
pueya pa quiniuria cutara.

Juan 3:16,17 'Jiyanohua cua Que Pueyaso
paniniuucua puetunu mijiria quiniaa pueyajanaa,
nojuajaari Neyanujuanaa jiyaroquiaari puetunu
pueyapueecuarajanaa mosocoriquiano. Puetunu
cucua tiuniaa pueyajanaari
saniitioyaquishaanutaniya cutara. Nojori
cutaraari pueyaracaanu rishijiaca quiniutianiya
Pueyaso shuriucua.



Pueyasoori maja na jiyaronu quiquiaari janiya
pueya cua saniitionura. Seetanujuanaa cua
jiyaroquiaari cutaraari pueyacujaji
Tacuna cua quiniuria.

1 Juan 5:11-13 Pueyasocujajaari sequequiaari,
Neyanuucua tiujujacaari pueyaracaanu rishijiaca
quiniutianiya. Cante Pueyaso Niyanu jiidiaa
noojiajiniani, nojuajaari tari samiitianishaarohua
pueyaracaanu rishijia na quiniuria. Pueyaso
Niyanu jiidiaashijiaari saniniuujia maja na
rishiniu quiniutianiya. Nio naajiya niaaranijia nia
niishiniuria, Pueyaso Niyanuucua nia tiushacari
niaari tari samiitianiijosaarohua pueyaracaanu
nia rishiniuria.



Genesis 3 - 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Arabela Bible (arl) © 1986, 2008, Wycliffe Bible
Translators, Inc. All rights reserved.

<https://www.bible.com/bible/519/MAT.1>

©2026 Bible for Children, Inc.

www.M1914.org

www.bibleforchildren.org

